



IZVJEŠTAJ O RADU UPRAVNOG ODBORA za 2016. GODINU

UO SSR u BHRT-u je u 2016-toj godini održao 13 redovnih i 3 vanredne sjednice.

Na osnovu zaključka Skupštine Samostalnog sindikata radnika u BHRT-u izmjenjen je Pravilnik o dodjeli finansijske pomoći i imenovana komisija u sastavu:
Nijaz Žuga - predsjednik, Goran Brkić, Mensud Grbo-članovi.

Upravni Odbor SSR u BHRT-u, je organizovao prigodan ispraćaj u penziju za članove SSR u BHRT-u. Za naše članove/penzionere koji su otišli u penziju zaključno sa 31.12.2015. godine izdvojeno je 150 KM po osobi.

Usvojen je Poslovnik o radu UO a na osnovu zaključka Skupštine sindikata koja je održana 26.02.2016.godine.

Zatraženo je od menadžmenta da se ne pokreću disciplinski postupci bez valjanih dokaza kao i odgovornost pravne službe zbog završenih, nak raju itgubljenih postupaka.

Usvojena je odluka da se za sve članice sindikata za 8.mart izdvoji po 25KM.

03/02/2016. godine zbog katastrofalne finansijske situacije, u 12.05 sati u krugu RTV doma održan je protest upozorenja Samostalnog sindikata radnika u BHRT-u. Od nadležnih organa vlasti zatraženo je da po hitnom postupku usvoje produženje odluke o postojećem sistemu naplate rtv takse putem telekom operatera fiksne telefonije, te da što prije usvoje novi model naplate koji će garantirati stabilno finansiranje javnih rtv servisa.

Zbog izuzetno teške situacije u BHRT-u, kojem prijete kolaps zbog nerješene načina naplate RTV takse, 21.02.2016 godine Samostalni sindikat radnika u BHRT-u je organizirao okrugli sto o temi: "Perspektive, održivost, i funkcioniranje javnih servisa u BiH".

U martu 2016.godine smo uputili Ministarstvu transporta i komunikacija BiH primjedbe na tekst Prednacrtu Zakona o izmjenama i dopunama zakona o javnom rtv servisu BiH:

UO Sindikata usvojio je zaključak da apsolutno podržava rad i uposlenike podružnice Zajedničkih službi, te osudio neargumentovane optužbe i prepiske na rad gore navedenih službi od 03.03.2016.godine

Polaganjem cvijeća na spomen ploči u RTV Domu obilježen 10.april Dan RTV-a.

28/04/2016. godine održan sastanak sa članovima komisije PD PSBiH na kojem se govorilo o trenutnoj finansijskoj situaciji, prijedlozima prikupljanja RTV takse i samoj podršci Komisije za saobraćaj i komunikacije rješavanju problema prikupljanja takse na području cijele BiH. Članovi Komisije su tada rekli da će uskoro tražiti tematsku sjednicu Predstavničkog doma, nakon što prikupe sve relevantne podatke.

Donesena odluka o sklapanju ugovora sa BSO Osiguranjem kojim se omogućava osiguranje vozila do 12 mjeseci za članove sindikata a koje kreditira osiguranje.

Upućen je zahtjev menadžmentu BHRT-a da se do 31.05.2016. godine počne rješavati problem dugogodišnjih dugovanja entitetskih Javnih RTV servisa navedenih u finansijskom izvještaju BHRT-a za 2015. godinu.

Druženje članova sindikata organizovano je 28.05.2016.godine u Baš Bašći u Brezi.

Rukovodstva Saveza samostalnih sindikata BiH i Samostalnog sindikata radnika u BHRT-u uputili su zahtjev Parlamentarnoj skupštini BiH da se usvoji Zakon o izmjenama Zakona o Javnom RTV sistemu, kako bi bilo osigurano stabilno finansiranje Javnog servisa BiH.

27/07/2016. godine Samostalni Sindikat radnika u BHRT-u, kao većinski sindikat, iako je već mjesecima u više navrata upozoravao na stanje i probleme u BHRT-u, još jednom je od zastupnika u PD PS BiH zahtijevao da na svojoj slijedećoj sjednici, koja će se održati 01.08.2016.godine, PO HITNOJ PROCEDURI usvoji izmjene zakona na način da se naplata takse vrši preko računa za električnu energiju, kako je i bilo predviđeno izmjenama zakona.

Na prijedlog UO, donesena je odluka kojom se za svaki službeni put imenuje jedna odgovorna osoba a to je producent, kao vođa puta, koja je dužna ekipi obezbijediti adekvatne i iste uslove za rad a u skladu sa aktima BHRT-a.

UO Sindikata je zbog sve učestalije krađe bicikla uposlenika predložio menadžmentu izmještanje parkinga za bicikla na sigurniju lokaciju u krugu RTV Doma. Odsjek za enrgetiku sektora Imovina je na prijedlog sindikata osposobio rasvjetu na parkingu RTV Doma. Direktor Imovine je predloženo rješavanje putarine za vozila BHRT-a na službenom putu u vidu kupovine usluge ACC čime bi firma uštedila na putarini, gorivu ali i na samom „habanju“ vozila.

15/09/2016. godine Ministarstvo pravde Bosne i Hercegovine je zaprimilo rješenje Vijeća ministara Bosne i Hercegovine o potvrđivanju Samostalnog sindikata radnika u BHRT-u kao REPREZENTATIVNOG SINDIKATA u Radio-televiziji Bosne i Hercegovine, VM Broj:193/16 od 01.08.2016.godine.

UO Sindikata uputio zahtjev menadžmentu za minimalan proces rada u slučaju štrajka a na osnovu Zakona o štrajku zaposlenih u insitucijama BiH. Sindikat je tražio da se donese odluka vezana za službena putovanja, kako bi se riješili svi problemi organizacije i realizacije službenih putovanja radnika BHRT-a

Održan je sastanak predtavnika IT Centara sa generalnim direktorom i pomoćnicom za razvoj na kojem su istaknuti problemi o nesrazmjernom broju ljudi u odnosu na obim posla što predstavlja veliki problem za realizaciju i planiranje ljudi na obavljanju redovnih poslova za BHRT i FTV. Istaknuto je da nijedan posao nije odbijen bez obzira na broj ljudi kojima raspolažu centri. Zaključeno je da su prioritet poslovi BHRT-a i da se u pisanoj formi dostave menadžmentu sve primjedbe ali i prijedlozi IT Centara.

07/11/2016 godine Samostalni sindikat radnika u BHRT-u je uputio reakciju i mišljenje premijeru KS g-dinu.Elmedinu Konakoviću, ministrici zdravlja KS g-đi Zilhi Ademaj i generalnom direktoru BHRT-a g-dinu Belminu Karamehmedoviću a povodom najavljene reforme zdravstvenog sistema u KS, kao i javne rasprave o tome. Zbog izuzetno teškog, specifičnog ali i stresnog posla (pogotovo u današnjim, već poznatim okolnostima) radnika BHRT-a, SSR u BHRT-u je istakao neophodnost rada ambulante u

RTV Domu koja je u proteklom periodu pravovremenom intervencijom medicinskog osoblja spasila naše kolege težih posljedica po njihovo zdravlje, a nebrojeno puta su njihove intervencije značile razliku između smrti i života radnika JS.

29/11/2016.godine donešen zaključak da se traži od menadžmenta donošenje odluke koja bi osigurala sigurnost vozila i radnika BHRT-a na terenu.

Na 24. sjednici UO Samostalnog sindikata radnika u BHRT-u, koja je održana 29.11. 2016. godine, donesena je odluka da se i ove godine organizuje ispraćaj penzionera-članova Sindikata. Prema evidenciji članstva i informacije dostavljene od strane službe za ljudske resurse BHRT-a, 8 ČLANOVA SSR u BHRT-u će zaključno sa 31.12.2016.godine za koje je odobrena uplata pomoći u iznosu od 150KM po osobi.

Samostalni sindikat radnika u BHRT-u je uzeo učešće na konferenciji koju su uz podršku Vijeća Evrope organizovali Udruženje BH novinari i Komisija za saobraćaj i komunikacije Predstavničkog doma Parlamentarne skupštine Bosne i Hercegovine (PSBiH), na kojoj su usvojena četiri ključna zaključka koja će biti prosljeđena Odboru Javnog RTV sistema, kojeg čine upravni odbori tri javna emitera u BiH.

Na 25. sjednici UO Samostalnog sindikata radnika u BHRT-u, koja je održana 27.12.2016.godine, usvojena je inicijativa za promjenu naziva studija Muzičke produkcije u studio Muzičke produkcije Esad Arnautalić.

Samostalni sindikat radnika u BHRT-u je za pomoć svojim članovima u 2016-toj godini izdvojio ukupno 17500KM a na osnovu Pravilnika o dododjeli finansijske pomoći članovima sindikata. Svakom članu Sindikata je za rođenje djeteta izdvojeno po 200 KM.

Tokom godine preko svojih članova, kroz rad povjereništava Podružnica, oglašavanjem u RTV Domu, te putem mailova, web stranice i facebook-a nastojali smo informisati članstvo o svim aktivnostima Sindikata.

UO je nastavio obezbjeđivati razne pogodnosti za članove Sindikata, potpisivanjem ugovora u kojima su definisani određeni popusti, odnosno povoljnosti pri plaćanju usluga za naše članove.

Naš Sindikat na kraju 2016.godine broji preko 500 članova.

Sve aktivnosti Samostalnog sindikata radnika u BHRT-u možete pratiti na www.bhrt-sindikat.ba

Upravni odbor
Samostalnog sindikata radnika u BHRT-u